

新疆府縣志輯

中國地方志集成

嘉慶喀什噶爾

道光喀什噶爾略節事宜

乾隆喀什噶爾事宜

中國地方志集成

新疆府縣志輯 ⑩

嘉慶喀什噶爾

道光喀什噶爾略節事宜

乾隆喀什噶爾事宜

鳳凰出版社 ● 上海書店 ● 巴蜀書社



嘉慶喀什噶爾

(清)和

寧

纂



爾》。本書一卷，附《英吉沙

喀什噶爾

沿革

喀什噶爾距京師一萬一千九百二十五里在葉爾羌西北五百九十里為西域極邊之地自漢及宋皆號疏勒國考通鑑漢武帝元鼎二年張騫使西域自車師前王庭隨北山循河西行至疏勒為北道北道西域蔥嶺則出大宛康居奄蔡故皆役於匈奴取給賦稅焉注疏勒者即今之喀什噶爾也元明皆稱哈



什哈爾世為回部舊居

國朝乾隆二十三年將軍兆惠統兵追勦逆酋霍集占

曾匿跡於此我軍掩至而霍集占與其兄布喇尼敦

西竄入拔達克山部落而回眾悉以城降始定今名

喀什者初也噶爾者創也漢語初創之謂西域聞見

錄譯為花磚房子非也其地三山環抱二水交流土

田肥腴城堡鱗次乃外番初入回疆一要區也

疆域

喀什噶爾所轄城堡二十一週圍二千餘里東至英
阿瓦特二百五十里與葉爾羌所屬之巴爾楚克軍
台連界東南至河色爾察木倫之戈壁腰台三百六
十里與葉爾羌所屬之喀喇布扎什軍台連界西至
烏帕喇特卡倫一百二十里與布魯特連界西通安
集延部落北至圖舒克塔什卡倫九十里與布魯特
連界東北至巴爾昌卡倫一百四十里與烏什所屬
之胡什齊部落布魯特連界東南至罕愛里克二百

九十里與葉爾羌連界西北至喀浪圭卡倫一百五
里與布魯特安集延霍罕諸部落連界西南至烏魯
克卡倫二百七十里卡倫迤南通拔達克山部落西
南兩面皆大雪山有大河三匝繞抱宣流其間方圓
平行亘六百里東北通伊犁大路又通烏什阿克蘇
西南雪山外皆布魯特安集延諸部落東南通葉爾
羌正南通布魯特霍罕諸部落

山川

玉斯圖阿爾圖什山城西北九十里近圖木舒克塔
什卡倫穆什山城西北一百五十里近喀浪圭卡倫
塔什密里克山城西南一百五十里近伊爾古楚克
卡倫三山連岡疊嶂綿延不斷積雪春夏不消環拱
三面東南入葉爾羌界境內回莊引春融雪水灌田
伊蘭烏瓦斯河源出布魯特冲巴噶什地方南流至
伊蘭烏瓦斯卡倫北界折而東又南流出土山逕阿
爾扈回莊又逕阿斯圖阿爾圖什回莊回民俱開渠

引水灌田河折東南流入大河回語伊蘭烏瓦斯者
譯言蛇窠也其地多蛇故名

圖舒克塔什河源出布魯特地方南流逕玉斯圖阿
爾圖什回莊北折而東流至阿斯圖阿爾圖什回莊
北與伊蘭烏瓦斯河合

烏蘭烏蘇河兩源自布魯特地方流出至喀郎圭卡
倫北河而為一又南流入大河名烏蘭烏蘇其經流
西自圖爾愛克部落東流逕托克薩克回莊南折而

東南流逕喀什噶爾南四十里名雅瑪雅爾河又一水自烏帕喇特東來注之又一水西自奈曼部落北流至烏蘭烏蘇注之

霍色爾河城南十里又名七里河自玉斯圖阿爾圖什回莊分而南流又東南歸大河

泰里布楚克河城南三十里其水亦自西北來至琉璃蒙古箔入大河曲曲流至巴爾楚克東南流數百里歸羅卜淖爾

建置

喀什噶爾舊有土城不成方圓周匝三里七分餘東向二門西南兩面各一門即今之舊城也伯克回民等居其中乾隆二十七年叅贊大臣永貴奏請於舊城之西北二里許臨河塏築城一座其地則布拉尼敦之園也週圍二里五分高一丈四尺底厚六尺五寸頂厚四尺五寸設四門東曰承恩西曰撫羌南曰彰化北曰闢遠乾隆三十五年復修城上

四門正樓角樓南門內東建

萬壽宮一座西建

關帝廟一座乾隆三十六年奉

旨賜名徠寧城乾隆五十九年叅贊大臣永保等奏請

於南門外建蓋房間如關廟之制遷內地商民居之

列市肆焉

城內建衙署倉庫官兵住房

乾隆二十七年建三十
六年增葺市肆數百間

叅贊大臣衙署一所協辦大臣衙署一所

城東北一
衙兩署

英吉沙爾領隊大臣公館一所 印房等處章京官

房三所 筆帖式官房三所 摺房一所 滿印房

一所 漢印房一所 經牧處滿房一所 漢房一

所 營務台站房各一所 回子學房一所 以上俱
在城內

西偏 糧餉局衙署一所 糧員住房一所 筆帖式

千總官房各一所 滿漢房各一所 庫房六間

藥庫一間 倉廩十五座 添修廩三座 在南門
內西偏

滿營協領衙署一所 佐領官房一所 防禦住房

一所
以上俱在西門以北

綠營副將衙署一所
在南門內
遊擊

衙署一所
在西門內

城守營小公館一所
滿營兵房

八十間
在西門北

綠營兵房一百三間
在西門北
軍器

庫一所
在南門西

侍衛公館六所
守門堆房四所
東

南三門
及衙門前

監獄一所
城西北隅
火藥局一所
城東北隅

稅務廳一所
城西門外

接官廳一所
城南門外
管理關廂

都司衙署一所
城南門外

教場演武廳
城南門外東南

古蹟

回城東北十里許偏東有和卓墳回人告祀甚虔祭時男女具犧牲銀米於阿渾前阿渾誦經禮拜而散門外鑿放生池一區每泛鳬雁於池中外人不敢攘也相傳有排罕帕爾者去汝末之西萬餘里默克地方人初修祀天把齋之學西域回人世奉其教其孫和卓邁哈莫特玉蘇普西來卓錫喀什土人龐雅瑪施此地為傳教之所和卓沒遂葬於此回人至今祀之遂呼為和卓墳云和卓墳西北隅有枯楊樹一株

約高五丈許下覆土築蒙古箔傳為霍集占據此地
時所築樹亦其所植回人多諱言其故

阿斯圖阿爾圖什亦有和卓墳回人祀之尤加謹焉
相傳此和卓木本中原人來此設教其功術尤非排
罕帕爾所能躋也第不知年歲亦不傳姓名事蹟是
雖謾語姑誌之以俟徵實

回城北三十里土山下有流泉甚甘冽迤北陡壁之
半崖有石洞三洞中置石仙像傍山豎木梯約三四